



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Iurisdictione Episcoporum Germaniae

Wintzler, Christoph

Coloniae, 1614

23. An regalia sine confirmatione impetrare possint?

urn:nbn:de:hbz:466:1-10387

5. *Osnabrug / Minden / Halberstadt & Verden / & jus constituendi Pontifices & inuestiendi Episcopos à 153. Episcopis in Synodo congregatis acquisiuit, c. Adrianus 2. dist. 63. sicut & postea Ortho primus, c. in Synodo. ead. dist. quod dum inter Pontifices & Imperatores disputari coepit, tempore Henrici Quinti, ita temperatū & cōpositum est, quod inuestitura, quæ per anulum & baculum fieri solet, Pontifici, quæ autem per sceptrum & regalia denotat in regno Theutonico, Imperatori cedere debeat, de quo extat bulla Callisti Papæ de anno 1122. nono Cal. Octob. apud Naucler. in Chron. lib. 2. gen. 38. & historicorum vtriusque religionis abundans testimonium apud Gerlac. Buxstorff. in Aur. bull. contl. 69. in alleg. sub lit. A. ita quod Episcopi in Germania ab antiquo regalia ab Imperatore tanquam alii Imperii Principes receperint, prout adhuc recipiunt, Aur. bull. cap. 24. d. loc. 9. Wir erkennen / S. Demnach wann die / r. Reichs ab scheid de anno 1500. Rub. 42. der teutsche Orden.*

TITVLVS XXIII.

An regalia impetrare possint sine confirmatione.

1. *A*firmariua sententia quodnam fundamentum?
2. *In Hispania, Gallia, Polonia, Anglia constituuntur Episcopi sine auctoritate Pontificis.*
3. *Quid in successione tam Ecclesiastica quam seculari examinandum sit.*

4. *Iudex*

4. Iudex Ecclesiasticus quomodo questionem successionis decidere debeat.
5. Canonice qualificati tantum ad regalia admittendi.
6. Responsa Imperat. Maximiliani secundi & Rudolphi secundi super concessione regalium.
7. Modernus Imperator Matthias Archiepiscopo Moguntino Ratisbona regalia contulit.
8. Confirmatio, non consecratio, ad regalia necessaria est.
9. In Hispania Gallia & Polonia reges nominant Episcopos, sed non nisi Catholicos.

REGALIA sine confirmatione (quæ jus Electionis & spirituale concernit, *sup. tit. 5.* & cum temporalitate nihil habet communionis) haberi posse pluribus exemplis remonstrare conatur *Gerlac. Buxstorff. in aur. bull. conclus. 18.* sicut & Episcopi in Hispania, Gallia, Polonia & Anglia per reges constituuntur, sine authoritate Pontificis, sed in contrariū, uti in seculari, ita & ecclesiastica successione examinari æquum est, an succedere volens sit verus legitimus & juxta mentem testatoris qualificatus successor? quod in seculari, ad secularem, in ecclesiastica ad ecclesiasticū pertinet iudicem, qui de processu electionis, qualitate electi, & studio eligentium plene instructus, hanc questionem, per decretum confirmationis decidere solet, *c. postquam. c. per inquisitionem. c. nihil. c. innotuit. x. de Elect. c. auaritia. c. quam sit. x. de Elect. in 6.* & merito is, qui inqualificatus reperitur, ad regalia non admittitur: noluerunt enim Diui Imp̄p. qui Episcopatus in Germania fundarunt

- runt, dotarunt, & amphiarunt, aliter electos regalibus prouideri, quam canonicè qualificados, Exiude Maximilianum II anno 1566. & Rudolphum II. anno 1590. recte respondisse traditur,
6. se hoc jus dandi regalia à maioribus accepisse, nec aliter dare posse, insequendo eorum vestigia, quam canonicè electis & confirmatis quod
 7. & modernus Imp. Matthias inuictissimus Anno 1613. 20. Augusti, cum Io. Suicardo Archiep. Moguntino, Ratisbonę in solio maiestatis daret regalia, expressè præsupposuit, sicut & defunctus Anno 1559 in concessione regalium Episcopi Monasteriensis, aliasque sapius, nec obstant exempla in contrarium allata, quia non faciunt differentiam inter consecrationem & confirmationem hanc non illam ad regalia, necessariam dicimus, nec inter generales & particulares imperii conuentus, de quibus infra. In Hispania, Gallia, & Polonia reges quidē nominant Episcopos, id non nisi Catholicos, nec nominati regalia habent, uti in Germania nec dignitatem Episcopalem administrant, priusquam à superiore confirmati fuerint, *arg. c. electis. c. cum longe dist. 63.* nisi religionem mutare, & regem caput ecclesię facere velint sicut Angli.

TITVLVS XXIV.

An ii qui sunt de Augustana confessione possint habere regalia sine confirmatione.

1. *Augustana confessio in Romano Imperio permissa.*
2. *Augustana confessionis professores à capitulis postulantur, eaq; administrant.*